

T1742/48226(17)

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

MAR 1 1954

柳宿論  
星宿論  
張宿論  
翼宿論  
軫宿論

17

管窺輯要

十七

共廿七

管窺輯要卷之四十六

六安黃 鼎玉耳父纂定

哈佛大學哈佛東  
圖書館珍藏印

男九命簡臣

侄九錫公位

九疇倫叙

九如眉介


侄孫珮琢成

珂先鳴

桐城方兆及子詒全闕

星

鬼



### 柳宿論

柳八星天之厨宰也主尚食和滋味又主雷雨月五星客彗犯掃主兵機國有喪憂秦蜀分災近上三星曰酒旗酒官之旗主晏饗飲食五星守酒旗天下大酬歲豐稔

### 柳宿說

柳八星舊取第四星為距唐取第四星為距宋志云距西第三星去極八十二度半赤道十三度三十分自四度二十一秒入午黃道十三度自三度

八十六分八十秒入午其上乃天之中道也主草木雷雨時至於夏雲行雨施品物流行左傳味爲鶉火南方柳星也疏曰柳謂之味味鳥口也亦作蜀建辰之月柳星昏在南方則令民放火是謂出火張衡云柳爲朱鳥之喙天之厨宰也主尚食和滋味其氏云主飲食倉庫酒醋明大則酒食豐動搖則大人酒死或曰女主驕奢陽氣極盛故天子飲酬於是時也外近外厨失色則饑饉三年必應一曰天庫一曰具住金火守則兵起又主木功星明大則厨食具注若舉首則王師興輔佐出星直則天下謀伐其主就聚則兵鬪國門月及五星犯則兵在秦地

酒旗三星在軒轅右角之南宴享之所用酒官之旗也占明則多歡娛之宴五星守則天下大酺故曰享宴大酺五星守或悞謂大酺之星有五若明則有酒食之賜及宗室

柳宿主庖厨晏祭度十三度三十分內五尺爲黃道初柳四度外末張十五度內於辰爲午於分爲

周於野爲三河賦柳星張鶉火之次周三河爲地  
之心自武牢之右而抵函谷之左負北河之南而  
當躔水之陰三月在星昏中西九月爲旦中六月  
爲太陽躔次

### 柳宿歌

八星曲頭垂似柳近上三星號爲酒享晏大舖五  
星守

### 柳宿考

酒旗三星在軒轅右角南酒官之旗主享晏飲酒  
食

柳八星天之廚宰也主飲食倉庫酒醋之位明則  
酒食豐搖動則大人酒死失色則天下饑饉又主  
祭祀工匠草木之事明吉就聚兵起星直謀伐其  
主又主雷雨味鳥之口故曰鳥喙爾雅味謂之柳  
左傳味爲鶉火天官書爲鳥喙主草木又季夏日  
在柳季秋旦柳中○酒旗三星在柳之北酒官之  
旗也主晏享飲食明則天下多酒財

柳八星十三度距柳西頭第一星去極七十九度

在黃道外一十二度火星也春夏爲水秋冬爲金  
一名大臣主天厨御膳動則有祭享或天子有飲  
食事又主草木興事封功臣爲上食又主雷雨一  
爲天相大將軍天庫明則大臣共順王者養國老  
開張則饑及暗米貴人饑漂散都邑振蕩○日食  
柳中王者不安宮室○月食柳中大臣憂○木守  
之天下五穀登○火守之大臣不從王命守經一  
百二十日以上其分失地大饑旱荒○土守之君  
臣和尚天下大喜○金守之將軍有喜國王益地  
○水守之人多憂死兵起水災○客守之周分兵  
起布帛魚鹽等大貴○彗孛守犯之有兵喪起大  
臣慶躍○月暈柳及星宿人饑死○流星起柳向  
北誅寇赤色怒也天下大醜以酒食害財宗室爵  
絕○彗孛出酒旗王以酒過爲相臣所害○赤氣  
入酒旗天子以酒喪身

柳宿總敘

柳八星爲朱鳥喙一曰天相一曰柱亦作珠一曰  
天大將軍一曰八臣一曰天厨主御膳酒食倉庫

和昇實以奉宗廟又主雷雨主匠主草木一曰土  
星其北六尺爲日月五星中道其星欲明明則大  
臣重人豐酒王者安厨膳俱不明則王者失政宮  
中不安注舉首則主命行賢佐出直天下謀伐主  
聚就則兵滿野動搖則大人以酒色荒天下饑饉  
開張人流亡

日月變異占

日在柳食王者有病不安石氏曰厨官憂甘氏曰  
戒之在門戶橋道之臣若今衛尉是也一曰暈於  
柳厨宰之官黜石氏曰五穀不成人饑蜚鳥多死  
月在柳食大臣有憂其氏曰虞水官黜郗萌曰人  
饑相食一曰天子有疾不安其宮乙巳占曰貴人  
百姓有以言坐罪者一曰其地凶○月暈於柳人  
饑無食一曰天下土功興郗萌曰有獄事其地旱  
一曰林苑有兵石氏曰秋木茂有兵戰人多死又  
曰穀貴蜚虫多死○月暈圍柳不出三十日有野  
兵圍城巫咸曰日月暈柳三重大臣有死者兵起  
不戰有水災民流徙一曰有赦一曰三暈柳大臣

死有大水民愁○月以寅亥月暈柳有赦月宿柳而霧人多陰病

月五星干犯占

月犯柳土功興名木伐一曰大臣憂黜郝萌曰有軍在野則將死無軍則其國憂若乘柳其下有建祠宇起土木者

歲星守柳石氏曰天下歡娛五穀豐熟久守之則人饑巫咸曰有水災五穀萬物不成郝萌曰多獄事中兵有反者乙巳占曰木守柳貴臣得令一曰有得令民安○木逆行守柳有反臣中外起兵○

木入柳石氏曰天下大安諸侯有慶五穀蕃熟百姓安寧歌舞以行若失行有變色則天下以饑兵起○木居柳海中占曰五穀熟○木與柳同光其國大強○木出入留舍柳九十日不下國有兵戰將死○木犯柳多火災穀不成一曰易相又曰木犯柳處其南造動處其西大水一曰大人憂○木逆行柳爲疾病死亡行其陰爲女子災行其陽男子災行其左右貴戚災行其中君當之○木與火



同守柳木星色赤白交內起兵黃五穀傷黑水災赤角兵起近期三十日遠六十日

熒惑守柳黃帝占曰王侯不寧石氏曰中外有兵有逆臣在君側巫咸曰天下旱多水災萬物不成五穀大貴羊貴一曰臣有不奉王命者一曰王者治宮室民多病一曰宮中失火守之二百一十日以上民大饑君失國守之三十日以上君憂一曰讒臣亂國外兵來攻萬家邑拔千家邑虜荆州占曰熒惑迫守柳天子宮閉郝萌曰熒惑守柳有聖

人在南國火以夏六月守柳國失地民饑流亡○火犯柳石氏曰有土功事多伐木黃帝占曰有尊王爲非以亂國者又曰天子以飲食爲事不安社稷郝萌曰熒惑犯角色赤天下有亡君死將火入柳黃帝占曰大人禦守巫咸曰諸侯有慶賀事郝萌曰國有觸客事南宮侯曰麻貴在後年一曰天子戒在飲食○火入柳而順去之天下有兵止若留之二十日以上有負海之客火之柳天下四夷爲憂○火逆行柳侯王不寧天下多火災○火留

柳荊州占曰併養者非其人○火以建辰月舍柳下芒色怒赤左右倚兩傍其冬地大動民大恐兵大起三年乃止○火出入留舍柳有妖言國敗三十日不下天下有急令天子大憂土工大作大將死國亡

鎮星守柳天下和同君臣大喜久守之天子慎飲食邾萌曰萬物不成天下大饑多疾病一曰中兵作亂海中占曰宮中大亂相驚土功事一曰女主不敬祭祀多水災乙巳占曰防食官爲逆○土入

柳天下喜若不由正道而入國有旱多火災○土逆行入柳地動山崩色怒芒角四十日不下天子宮中有兵○土犯柳耳氏曰其國有火災石氏曰土功興多伐木一曰周地有兵○土出入留舍柳有急令石氏曰鎮星宿柳不旱卽水

太白守柳石氏曰大將出戰勝有喜國益地○太白去柳一尺臣專命作忠以利社稷忽患迫而守之久若失行變色小旱傷五穀海中占曰兵大起一歲罷南官候曰有反臣中外有兵齊伯曰秦兵

且至巫咸曰有急兵變令下凌上君弱臣強賊臣謀主郗萌曰人多病疫又曰胡不安○太白犯柳南官候曰有土功事多伐木一曰有急令有強臣有變更人君惡之○太白入柳郗萌曰兵起西北方大臣守禦南官候曰兵大起有得地者○太白逆行入柳成勾已下刑上臣謀主民相敵讐多暴死者文曜鈞曰人君殘百姓戮良臣死○太白提柳出入荊州占曰有陰謀

辰星守柳黃帝占曰歲不收并氏曰王者賜寶若國有貴客郗萌曰人主慎飲食防毒藥又曰有反臣中外兵一曰有旱穀貴人多死一曰舟船相望在北方若處其陽則為大旱為死喪處其陰則為大水災傷乙巳占曰火守柳貴臣多地后有德令期九十日○水犯柳石氏曰有木土事主伐木一曰馬貴天文錄曰君慎飲食一曰民相仇怨○水入柳海中占曰以水起兵乙巳占曰天下先潦後旱米貴馬貴荊州占曰下刑上子訟父其平客星流星彗孛于犯占

客星犯柳周地有災期九十日○客星出柳兵大起大水人主浮舟天下饑人流亡不出其年遠二年一曰臣蔽主明名木出諸侯有誅者○赤星出柳執法遇賊

蒼星出柳殺邊地諸臣客星入柳兵大起天下大恐布帛繒絮貴郝萌曰兵從澤起道路不通又曰大師有喪南宮候曰客星赤色芒角入柳地大動○客星守柳兵大發天下有爲王者郝萌曰南宮有變一曰牛馬貴羗胡爲亂天下多弓弩魚鹽貴荆州占曰絲麻羊貴一曰大人棄其糧○客星經柳山木盡伐○客星舍柳兵出得地旣得之還失之○客星犯柳乙巳占曰天子有賜於邊臣○流星出柳天子惡之天文錄曰周地有憂土工用乙巳占曰名木有出者一曰天子有宗廟事武密占曰多雨水○流星犯柳周國亡期九十日春夏犯天子發急事秋冬犯后室口舌起內有奸私之事○流星守柳名木伐一曰王宮水災天廚之官憂乙巳占曰名木有伐進者屬同分○彗孛犯柳乙

巳占曰國誅大臣兵喪並起又曰強臣凌主天下  
傾危其國大旱民多饑死期三年遠五年○彗孛  
行犯柳黃帝占曰有兵喪強臣喜躍南夷叛

雲氣干犯占

赤氣入柳有火災大旱○黃氣入柳期五十日有  
赦一曰黃氣入柳天子宮廟腐敗○黑氣入鋒亦  
刺柳三夜不散大人有憂○白氣入柳國君有憂  
○黃白氣出柳天子出美木作室入柳乃得美木

柳宿去極度數考

按柳宿本位居牛次周營州之分凡十三度七月  
旦在卯八月旦在辰九月旦在巳十月旦在午十  
一月旦在未十二月旦在申正月旦在酉十二月  
昏在卯正月昏在辰二月昏在巳三月昏在午四  
月昏在未五月昏在申六月昏在酉

柳八星十三度距西去極八十二度半入柳初度  
一曰鳥衡一曰天相一曰天庫一曰鳥柱主草木  
漢天文志云注作喙爾雅云鳥喙謂之柳故主草  
木孫炎云喙朱雀之口又主庖厨烹調晏飲事其

德曰爲飲食倉庫酒醋事又主土功張衡云柳爲  
朱雀喙天之廚宰主尚食和滋味味鳥口左傳襄  
公九年宋災晉侯問士弱曰吾聞宋災於是乎知  
有天道何故對曰古之火是謂味爲鶉火心爲大  
火陶唐氏之火鄭闕伯居商丘祀太火而火紀時  
焉相土因之故商主大火商人閱其禍敗之釁必  
始於火是以其知天道也註云宋商之後相土契  
之孫商之祖故代闕伯主火宋屬心分野  
占曰柳上五尺爲日月五星中道明火酒食豐潔  
動搖則人君沉湎於酒彗孛守酒有醜毒

酒旗三星黑星距西北去極七十七度入星初度在  
柳上酒官旗主享晏酒食事淳風云木星守酒旗  
天下大醜酒肉賜宗室大醜大晏宗室天子貴戚  
○占曰酒旗明天下大醜主君臣胥慶

柳星雜座

酒旗

酒旗三星在軒轅右角南酒官之旗也主燕享飲  
食其星明則多歡娛之事昏暗則天子以酒失禮

酒亡則天子沉酒天下以亡

五星守酒旗天下大酺賜爵宗室有酒食財帛之  
賜天子飲食有度則榮惑徘徊於酒旗○太白犯  
涇旗文曜鈞曰三公九卿有謀○辰星犯酒旗天  
下以酒傷害財物○客星守酒旗天子飲食失度  
荆州占曰天下大酺以酒食害財宗室爵絕○彗  
孛出酒旗王以酒過度為相臣所害○赤氣入酒  
旗天子以酒喪身

管窺輯要卷之四十六終

管窺輯要卷之四十七

六安黃 鼎玉耳父纂定

男九命簡臣

侄九錫公位

九疇倫叙

九如眉介


侄孫珮琢成

珂先鳴

桐城方兆及子詒全閱

星宿論

星七星一名天都文繡衣裳主并急兵盜賊星明  
 王道昌星暗賢臣退天下空月五星客彗守犯為  
 兵王者惡之三河周分兵飢軒轅十七星在星宿  
 北軒轅五帝之神龍之體也主乎雷雨后妃之職  
 星南太星女主也次北一星夫人也屏也上將也  
 次北一星妃也次將也其次諸星皆次妃之屬女  
 主南小星女御也左一星少民少后之宗也右一  
 星太民太后之宗也一曰東凌一曰權星欲其小





色黃而明吉水火月客彗土木守犯女主憂主兵  
將軍憂大雨爲災權北四星曰內平刑平罰之官  
柳南五星曰天稷百穀之長也亡則歲飢天相三  
星在柳東主爵位其星明則臣忠

星宿說

七星宋志距大星去極九十六度赤道六度三十  
分黃道六度三十一分其上十五尺七曜之中道  
也張衡云七星爲朱雀之頸漢書作員宮喉嚨也  
物有喉嚨終不久留故史記云主急事隋志云主  
急兵鶉火文明之會羽儀之所蓋物盛則有文故  
主衣裳文繡右七星爲馬於辰在午故馬爲火畜  
以午爲火也蠶與馬首同龍星之精故馬蠶同氣  
周人禁原蠶恐奪馬之氣也亦爲賢士暗則賢良  
隱天下空虛失色芒角及搖動皆主賢士誅明大  
則王道昌國勢強離則易政日食則天子有疾木  
犯人不安主飢火犯旱人主當災金土水犯皆主  
災月暈女主災字犯兵起一名天都又主蠻夷客  
史記云七星爲水廟原始要終而有幽明之說

軒轅十七星形如騰蛇后妃立政之地士女職也  
其南大星女主象也次北一星夫人也屏也上將  
也次北一星妃也次將也其次諸星皆次妃之屬  
也女主南小星御女也左一星爲少夫人少民后  
宗也右一星爲太夫人太民太后宗也色明潤黃  
則吉小星若明而大則后妃爭競后宗屬憂移徙  
則國人流亡東西兩角張大而振則后族以強敗  
又主雷雨之時張衡云陰陽交合盛爲雷激爲電  
和爲雨怒爲風亂爲霧凝爲霜散爲露變爲雲立  
爲虹霓離爲背裔分爲抱珥十四變皆軒轅主之  
月五星守犯者如衡水火金守則女主惡之一曰  
東陵宋志云孟康曰軒轅爲權太微爲衡以軒轅  
一作權星故爲權太微垣主理法平詞如衡之平  
故曰衡史記正義乃謂權四星在軒轅尾西非也  
軒轅西四星曰權主烽火也不曰權也權字從悞  
爲權字張守節不審指以釋此殊爲踈謬王應電  
云自午而一陰生陰陽相遇故爲后妃嬪御之宮  
庭軒轅曰權太微曰衡主內政以彌太微者也宋

中興天文志云中宮黃帝其精黃龍爲軒轅首枕  
星張尾掛柳井體映三台司四季司中岳司中土  
司黃河江漢淮濟之水司黃帝之子孫司保虫三  
百六十按張衡靈憲蒼龍連綫於左白虎猛據於  
右朱雀奮翼於前靈龜圈脊於後黃龍軒轅於中  
則是軒轅一星與蒼龍朱雀玄武四獸爲五矣世  
之言星者惟知四獸而不知黃龍是求之未盡也  
馬端臨曰軒轅本天市垣之星而在星張之分野  
則南方朱鳥七星之所司也三垣中外宮諸星雖  
所掌有大小其位有尊卑而未有不隸於二十八  
宿者蓋二十八宿分布周天之理躔度分野不可  
外也宋志據石氏星書以黃龍軒轅配四方二十  
八宿所謂青龍朱鳥玄武白虎者分而爲五而以  
爲土德寄王鶉火夫五行之不可缺土土之寄王  
固然矣遂以爲燿積水積薪五諸侯天樽闕丘北  
河南河四瀆水位諸星皆爲軒轅之屬按燿以下  
諸星與軒轅亦俱寄躔於二十八宿者也今欲尊  
軒轅而以諸星屬之則軒轅豈能外二十八宿而

自爲躔度分野以處諸星乎宋志又曰或謂自有  
乾象便有此星軒轅果黃帝之神也有黃帝而後  
有之乎呂氏曰軒轅之星黃龍也西角有軒轅之  
象故名之曰軒轅軒轅降神而生黃帝知之故自  
號曰軒轅云爾號軒轅非名也且如王良奚仲造  
父皆星名亦其神降而爲人人去而復爲星也何  
獨於軒轅疑之○保音裸  
赤身也  
內平四星在中台南執法平罪之官周禮所謂內  
宰也明吉暗凶

天相三星在酒旗南星之東王朝服之制佐后禮  
事世婦之職也一作丞相之象其占明而小則相  
賢芒角而大則相專權與相一例更詳之

天稷五星在星之南天廟西南主農正也取百穀  
之長以爲號明則歲豐暗則飢不見則人相食蓋  
主民之功起於后稷力農以配天故景星見而其  
露重生

星宿王后妃御女賢士及文綉爲衣度六度二十  
分內十五尺爲黃道餘見柳宿下

星宿歌

七星如鈎柳下生星上十七軒轅形上頭四個名  
內平平下二星名天相星下天稷橫五靈

星宿考

軒轅十有七星在七星北黃帝之神黃龍之體主  
雲雨又爲后宮后妃之舍○內平四星在中台之  
南軒轅之東北執法平罪之官也○天相三星在  
酒旗南大臣象主爵位及五色作服之事○天稷  
五星在七星南農正也主百穀

星七星一名天都主章服女御津梁兵防之事亦  
爲賢士失色芒動則后妃死賢人誅明大則道化  
成又主急事○天稷五星在星之南農正之官也  
取百穀之長以爲號主百穀明則刑罰平○天相  
三星在星之東大臣之象也主爵位又五采作服  
之事明吉○軒轅十七星在星之北黃帝之神黃  
龍之體也主雷雨之神爲后宮后妃之舍與六宮  
之內政以弼大微宣化者也其南端明星女主也  
毋也女主北六尺一星大人也屏也上將也又北

六尺一星次夫人也妃也次將也又北六尺一星次妃也其次皆重妃也女主南三尺一小星女御也西南去丈一星曰大民大后宗也東南去丈一星曰少民皇后宗也軒轅爲女主之庭又主陰陽雷霆之事色欲黃潤有序○內平四星在中台之南軒轅之北執法平罪之官也明大法平○星七星七度距大星去極九十三度在黃道外二十一度少水星也春夏爲火秋冬爲水一名天都之御府也爲園宮辰星廟也主衣裳文綉及穀又主急兵守盜賊又急事一曰赤帝一曰天庫爲朱雀頭故欲明明則王道昌暗則賢良不處天下空動則衣裳貴兵起

日食七星中虧王者不安其宮闕○月食星中后惡之周地災一曰員官一曰天或寶一曰水木守之天下平久留不去五穀傷耗○火春守之太陽虧憂旱久守兵火之災○土守之天下治其野有福久守不去五穀損○水守之水災貴臣有犯罪○金守之其國有亡國主必薨

客守之有水災火守有同姓王欲傷者道不開通  
○日月五星守之兵在外戰亡○彗孛行犯之邦  
亂國兵起爲兵早喪

### 星宿總敘

星七星一曰天都一曰員官一曰天廷實爲赤帝  
府於午主衣裳黼黻文綉是爲朱鳥之頸周禮鳥  
襖七旒以象鶉火謂七星色一曰天御一曰注候  
一曰津橋后妃御之位亦爲賢主又爲烽亭主急  
兵主盜賊水星也一曰火星其右星北上十尺爲  
日月五星中道七星明大則王道行人主昌暗小  
則賢良不用天下空虛吉士遁藏動搖則兵起不  
明則執政不平天子疾病離徙則天下易政室來  
殊計芒角動則后妃死賢人憂

### 日月變異占

日在星食虧太陽王者不安其國一曰爲兵飢婦  
人災其氏曰戒在橋門之臣石氏曰天下賢士不  
用大臣亂國人主惡之兵起期五月○日暈於星  
皇后廢其分君憂鳥獸多死○日在星食虧太陰

皇后憂冀州大飢一曰大臣誅又曰主祀之官憂  
黜海中占曰其國更改兵在外戰

月暈於星巫咸曰女主黜大臣憂一曰有獄事其  
分旱天文論曰主獄凶有兵小戰蜚虫多死一曰  
民多火傷草木再榮○月宿七星而霧民分

月五星干犯占

月犯七星有兵在外戰海中占曰經車而隳  
曰掌食臣有誅者國有憂將軍死一曰臣爲亂一  
曰皇后大臣有憂國大飢一曰易相○月入七星  
其國兵戰破軍死將

歲星守七星黃帝占曰天下安王道昌五穀熟久  
守之不去五穀傷有反臣巫咸曰旱多火災萬物  
不成有兵飢郗萌曰中兵起天下有大憂○歲星  
與七星同光五穀大熟○木入星荊州占曰五穀  
多傷天下有盜起其氏曰君有置太子者武密占  
曰木入星守之兵起○木舍七星其氏曰王者獲  
福○木入留舍七星郗萌曰年豐處其西有大水  
陳卓曰以其義治天下○木犯七星陳卓曰天子



憂兵功臣受封海中占曰臣下謀上○木逆行七  
星王者衣服非度郝萌曰地動又曰歲星在七星  
天下和同○木逆行犯七星若守之處其西大人  
坐之處其北貴人徙黃帝占曰木犯守七星逆行  
臣爲亂

榮惑守七星春夏爲太陽若十月入之守七日以  
上大人愁守二十日以上水災人飢大亂黃帝占  
曰火守七星天下有兵若社稷傾亡宮中荆棘守  
之四十日人主惡之河圖曰火守七星二陽同居  
其歲枯旱五穀不成守之百日三年不雨郝萌曰  
憂中兵起一曰國有大徭民大苦南宮候曰有水  
咎○火犯七星臣爲亂荆州占曰民苦徭役津梁  
不通石氏曰地動津梁不通天下有憂○火入七  
星井氏曰有君置太子者巫咸曰天下有賜客事  
一曰大人有疾國有徭○火留七星郝萌曰天下  
大憂憂在中央○火出入留舍七星郝萌曰國失  
地天下亂臣不服法度齊伯曰其地多喪有水土  
工○火與七星合人疾疫石氏曰人君惡之○火

入七星而犯守之感精符曰人主憂大臣有誅者  
有大獄貴臣有繫者五十日不下民大死人主有  
急令不出其年荊州占曰火以十日犯守七星民  
多死者入之其君沉湎於酒有易主○火逆行七  
星地動有火災

鎮星守七星天下安王道行其分有福久守不去  
則五穀貴人主出不還石氏曰土久守七星有還  
王有立后郗萌曰有反臣中分起有赦一曰旱○  
火出入留舍七星五穀大貴留之五十日不下兵  
起負海國大敗郗萌曰天下多憂在中央上入七  
星并氏曰有君置太子者○土逆行七星宮中衣  
服非度○火失行宿七星大旱又爲有水災

太白犯七星二十日以上黃帝占曰有急令一曰  
有死君有亡國一曰兵度津橋者凶巫咸曰有水  
災萬物不成郗萌曰國失政大人當之南官候曰  
有反臣中外有兵○太白守七星去之一尺守之  
三十日若五日順軌道而去之將軍出戰勝益地  
以入日占國○太白犯七星臣作亂郗萌曰兵大

起有暴病一曰國失政大臣當之巫咸曰五穀不成天文錄曰其分暴兵○太白犯星有君置太子者○太白提七星出入旱歲惡○太白經七星過之民非吾民當有詐爲王者○太白出入留舍七星三十日不下兵且起六十日不下必有破國亡主死將八十日不下三年不止有急令期不出其年

辰星守七星三十日若二十日以上大水大臣凶法官有坐罪者郗萌曰有反臣中外有兵久守不出有同姓謀爲王者石氏曰民多病一曰民流千里一曰兵內起○水犯七星臣爲亂一曰賊臣在君側一曰民疾病多流亡○辰星之七星天下大澇百姓多流亡○水流七星郗萌曰天下大憂憂在中央○水守星芒角動搖韋氏曰天下有兵三年乃解又曰萬物不成

客星流星彗孛于犯占

客星出七星君以急事遣使以色占其吉凶以星所往占其國○客星出星而守之石氏曰王者不

親其子天文錄曰河水溢民流徙○客星入七星  
石氏曰客有以急事來使者以色及其所從來占  
之郝萌曰有君置太子者有奇令一曰色赤宮中  
憂火色黑貴人憂○客星犯七星國有大兵不出  
百八十日○客星守七星布泉麻帛貴津梁絕南  
官候曰山水會河水決人流千里輕去其鄉或曰  
天下變更石氏曰周地有大賢守之三十日不去  
天子廷中有賊國易政土工興麻貴鹽貴麻豆不  
收又曰青黑色爲人疾病白死爲一死喪乙巳占曰  
客星犯七星兵大起多水潦道路阻塞溝渠不通

○客星舍七星五穀不成留舍不去宮中憂水

流星出七星內庫金帛出一曰王者以急事遣使

期百八十日若一年○流星入七星有急事來一

曰內庫官有喜錦繡進女工用乙巳占曰天下更

令有使人期三年乙巳占曰流星雙入七星五穀

熟春夏犯第三星兵大起秋冬犯之水火災王者憂

○流星犯七星國有兵不出百八十日天文錄曰

其邦有憂口舌之事○七星爲大都凡流星出入

皆為財帛之事

彗孛出星其氏曰國有反臣人主不安兵起宮中

大臣戮死國有大水一曰星孛七星期三年聖人

出○彗孛犯七星邦有亂臣臣主不寧宮中兵起大

臣死非其罪近期七十日遠信之○彗出星張之

間狀如布從風而靡為兵戎災惑之變也其占為

君失政臣美權兵起

雲氣干犯占

黃白雲氣入七星大人憂○蒼白雲氣出星天子

有急使出其氣回曲而不正有亡臣○赤雲氣入

七星中兵起若有客來必有兵隨之○赤雲氣如

波揚入七星中火氣也宮中有火災四曲五曲后

妃惡之○赤氣出七星天子使出亦有兵隨之出

○黃氣彷彿入七星外有貢獻○黃氣出七星天

子有賜於諸侯○黃白潤澤入七星遠人來貢○

黑氣入七星賢人多民出之禍除○白氣守七星

國有死喪○黑雲如蜚鳥喙七星大人憂

星宿去極度數考

按星宿本位居午次周營州之分凡七度七月二  
在卯八月旦在辰九月旦在巳十月旦在午十一  
月旦在未十二月旦在申正月旦在酉十二月昏  
在卯正月昏在辰二月昏在巳三月昏在午四月  
昏在未五月昏在申六月昏在酉

星七星七度距大星去極九十六度入星初度主  
后妃御女亦爲賢士又曰爲朱頸之鳥一名天都  
乃文明之粹羽儀之長主衣裳文綉朱鳥鳳也鳳  
火精有五采者赤多謂之朱鳥所以爲文明之粹  
主衣裳文繡羽出三百六十而鳳爲長故曰羽儀  
之長書益稷云簫韶九成鳳皇來儀隋志云主急  
事守盜賊七星爲朱鳥頸頸爲員官主急事員官  
喉隴也宋均曰星朱鳥頸頸爲喉隴終不久留故  
主急事

占曰星明大則道化成國家盛后妃有序不明凶  
隋志云星欲明明則王道昌不明則賢人不出天  
下空虛移徙則國易政日食兵飢並后妃災火入  
主旱水入主滂金入主兵彗孛入兵大起

軒轅十七星距大星去極七十度入張二度在星  
北一曰東陵一曰權星主雷雨之神后宮之象解  
前

占曰軒轅色小黃潤吉明大則女謁盛移徙則后  
族散没小星大星等明則后宮爭寵妃妾上擬金  
火守后妃凶彗孛守后妃逆上內宮淫亂

內平四黑星距西去極五十四度入張六度在軒  
轅東中台南主執法平罪官卽今大理寺

占曰內平居常法刑明允金火守則刑酷執法有

憂

天相三黃星距北去極九十五度入星六度在酒  
旗南丞相之象亦曰御府官主朝服之制御府今  
尚衣監

占曰天相明則相道得金火守相凶彗孛守則相  
臣謀叛

天稷五星距大星去極一百三十七度入柳一十  
三度在星南農正也農正大司農之職九卿之一  
也按左傳昭公十七年九扈爲九農正扈者獲也

言扈苗者也一春扈鳩鵲相五土之宜趣民耕種者也二夏扈竊玄趣民孕字者也三秋扈竊白趣民收斂者也四冬扈竊黃趣民蓋藏者也五棘扈竊丹為巢驅鳥者也六行扈竊喑喑晝為民驅鳥者也七宵扈竊嘖嘖為農驅獸者也八桑扈竊脂為蠶驅雀者也九老扈鷄聚民收麥不得晏起者也蓋取平百穀之長以為號爾雅云梁者黍稷之總名稱者漑種之總名菽者眾豆之總名三穀各二十種共為六十蔬菜之屬助穀者各二十共四十是為百穀詩云俶載南畝播厥百穀書云黎民阻飢汝后稷播時百穀易曰百穀草木麗乎土占曰天稷居常明潤歲豐不見人相食水火守旱勞彗字守則變置社稷

星宿雜座

軒轅

軒轅十有七星在七星北黃帝之神黃龍之體一曰天陵一曰燿星昏昌宮主雷雨之神又為後宮后妃之舍典宮之內政以弼大徽石氏曰軒轅中



中央土神黃帝之舍也其星色黃潤澤大小有序則時和歲豐后宮多子其小星明與大星等則后宮乘爭妃妾上僭移徙出外則民流亡從胡移徙入內則民大飢胡人來動搖就聚皆爲后妃喪死女御去大星遠則女使有賊心迫近大明則有賞賜若東西徙至大小民則王者夸佚以賤爲正東西角張而振則后妃有敗消小不見則后妃不安星色變黑則后宮多死者

月入軒轅女主失勢中犯乘之有逆賊女主憂宮中大失○月犯軒轅大星女主有災亦爲人飢奄食之則女主亡郝萌日月乘軒轅端臣子反叛一曰后有亂亡石氏日月犯乘軒轅大星民大飢大流犯乘小星民小飢小流月犯軒轅左右角大臣有誅死者犯女御有憂御僕死乙巳占曰犯太民太后宗有誅者若有罪犯少民皇后宗有誅者若有罪入爲民飢犯其端臣子反有亂臣臣失勢○月暈軒轅有女喪有小赦○五星犯守軒轅有逆賊有大失下飢犯大星女主憂犯妃夫人憂亦爲

將軍有憂犯女御女御憂犯太民太后宗憂犯少民皇后宗憂一曰犯左右角大臣當之

歲星犯軒轅有以女子謀者一曰水行犯守軒轅女主失勢一曰大臣當之若有黜者期二年○木犯太民星太后宗有誅者民大飢大流犯少民星皇后有宗誅者民小飢小流郗萌曰木出軒轅有胥龍出宮中○歲星勾巳守犯軒轅天下大旱飢歲星主農事軒轅風雨之神也

熒惑入軒轅用事女子當之又曰兵五月兵起○火行軒轅中荊州占曰女主失勢○火中犯乘守軒轅所中者死不則有大憂○火守軒轅黃帝占曰兵起期五月元命包曰主亂於色嫡妾爭石氏曰宮中有赦者郗萌曰女主惡之荊州占曰地動文曜鈞曰主以女子而亡一曰宮中有誅者期百二十日○火留軒轅中石氏曰女子有謀君者守之十五日宮中兵起天下亂國易政期三年郗萌曰火留軒轅中十日以上爲旱若留之久宮中有誅死者○火經軒轅勾巳環繞之后妃內亂一曰

人主惑於后妃則災惑展轉軒轅中一曰火逆行  
守軒轅大星而環繞之成勾巳天下大亂后妃誅  
北宮破主亡天下易主期百八十日遠則一年  
鎮星入軒轅中干犯之女主失勢有憂喪地裂大  
夫有故者五官有不治者色瘁爲憂爲病其所在  
干犯乘守者有誅若有罪○土居軒轅中石氏曰  
有以女子謀人君者○土守軒轅石氏曰大赦天  
下耳氏曰天下大亂后宮散破改正易主期三年  
○太白入軒轅文曜鈞曰四夷起石氏曰有逆賊  
出軒轅黃帝占曰必有白龍出宮中犯軒轅后失  
勢

管窺輯要卷之四十八

六安黃 鼎玉耳父纂定

男九命簡臣

侄九錫公位

九壽倫叙

九如眉介

侄孫珮琢成

珂先鳴



桐城方兆及子詒全閱

太微垣中

○太尊

少微

長垣



張宿論

張六星主珍寶御用之物及衣服又主天厨飲食  
 之事星明則主道行禮得月五星客彗守犯王者  
 惡之主三河中國災張南十四星曰天廟天子之  
 主祖廟也客星守之祠宮有憂直上一星在中台  
 之北曰太尊主貴戚也

張宿說

張六星宋志距西第二星去極一百二度半唐志  
 云中四星為朱鳥味外二星為翼比來不取膺前

爲距錯取翼爲距卽加張二度半星宿缺二度半  
今依本經爲定赤道十七度二十五分自十四度  
八十四分二秒入巳黃道十七度七十九分自十  
五度二十六分六秒入巳其上十八尺七曜之中  
道也主天厨飲食賞賚之事甘氏云爲朱鳥之喙  
鳥受食之處故史記爲厨主觴客主太廟明堂之  
位隋志云主珍寶宗廟服用掌次之官明則王道  
昌王者行五禮得天地之中明大則國勢強失色  
則宗廟不安明堂廢棄動則賞賚移徙則天下有  
逆者就聚則兵起金火守亦然火守犯兵起土木  
犯國不寧或云主六物色細而無光王者少子孫  
日食則虧禮王者修禮以應之月食主潦魚行八  
路彗出其地有君死晉志云朱張爲鳥星故爲羽  
虫

天廟十四星在張南乃天子之祖廟客星守之祀  
官有憂占與虛梁同

長垣四星少微四星本太微垣之星而屬張之分

野詳見前

太尊一星或作天尊非也本紫微垣之星而屬張之分野詳見前

張宿太廟明堂御史之位又主珍寶衣物天厨賞資飲食度十七度二十五分內十八尺爲黃道餘見柳宿下

### 張宿歌

六星似軫在星傍張下只有天廟光十四之星冊四方長垣少微雖向上數星倚在太微傍太尊一星直上黃

### 張宿考

天廟十四星在張南天子之祖廟○太尊一星一曰天尊在中台北貴戚也

張六星爲嗉鳥受食處經曰張嗉爲厨主於觴客玩占曰主天廟明堂宗廟珍寶天子內宮之衣服遠方貢物及飲食賞資之事明大則國盛強失色則宗廟不安就聚金火守兵起暗大則王者少子日食虧禮月食大滂

天廟十四星在張南天子之祖廟也微暗失常則

有白衣之會客守則祀官憂○張垣四星在張北  
移動則蠻夷入中國○少微四星在長垣北乃士  
大夫之位南一星為處士三隱士二議士四大夫  
五星犯女主憂宰相易大尊一星在少微北  
張六星十八度距張西端第一星去極九十八度  
少在黃道外二十六度少水星也春夏為水秋冬  
為金為天府主珍寶金玉貴物之藏又主賞賜事  
寶器宗廟所用衣服又主天厨飲食賞賚之事朱  
雀素厨膳觴宴賓客星明則王者行五禮得天之  
中一為大將動則有賜王明王者少子孫

日月食張中王者失禮一曰大水魚行人道○水  
守之三十日以上至一百二十日國大豐陰陽和  
君臣同心天下太平○火守之歲熟久守國亂分  
有兵飢○土守之名陰陽盡者必有災變不害五  
穀則害人民○金守之臣謀君天下更政有亂臣  
兵起將軍敗○水守之大水災兵起人多疫死○  
月暈張大水大兵起○彗孛犯之有兵半死

張宿總序



張六星爲天府一曰御府一曰天昌實爲朱鳥之  
喙火星也主天廟明堂御史之位金玉珠寶宗廟  
所用之物天子內官之服遠方貢物之庫主天厨  
飲食賞賚之事又主長養萬物其北十三尺爲日  
月五星中道張宿明大則人主昌天下治民物阜  
蕃五禮修厨養具暗小不則政五禮失天子多疾  
病少子孫移徙則天下有逆民就聚則兵起失色  
則宗廟不安明堂禮廢動搖則有賜與之令

日月變異占

日在張食王者失禮於宗廟甘氏曰或在山澤汙  
池之若水令冲也石氏曰后失勢貴臣憂期七十  
日荊州占曰庫官黜武密曰掌御膳者憂○日暈  
於張財寶大出將相憂其分君凶在張食大水魚  
行人道甘氏曰后失勢大臣凶邠萌曰地旱人相  
食石氏曰虞人有黜者  
月暈於張大水黃帝占曰蜚鳥多死邠萌曰其地  
旱陳卓曰五穀官鹽貴一曰守法無定巫咸曰宮  
中疾疫宮妃惡之一曰海鳥大出○月變於張天

子慎飲食○月宿而霧王者惡之

月五星干犯占

月犯張郝萌曰將相憂一曰貴人失勢后有憂一曰其分君憂武密占曰大人有坐罪者一曰有嚮客蜚重多死

歲星守張三十日以上百日陰陽和歲大豐君臣同心天下太平武密曰木守張十日年豐三十日不去天下安寧甘氏曰木守張一年天下和平七年

石氏曰木守張人多疾疫郝萌曰木守張南地動六畜貴守其西大水守其東大旱又曰國政意民有千里之行一曰貴人死○木入張石氏曰歲

豐天子有慶賀事巫咸曰旱萬物不成多水災○木出入留舍張三十日不下有兵六十日不下更立侯王○木居張歲和大熟○木逆行張人君衣

服非度好樂淫佚郝萌曰有反臣中兵起○木逆行守張人疾疫多腹心病○木守張王者政急有千里之行○木與土合於張荊州占曰歲不和貴

人多內喪一曰大水六年郝萌曰天下有變民憂

益賊起大旱一曰天下易令民流千里

熒惑守張石氏曰天下有歸兵一曰國治宗廟封

功臣久守之國亂其分有兵米貴黃帝占曰大將

有千里之行大水五穀且貴一曰土功作役不時

百姓多怨誹異郵曰諸侯謀反一曰政不平民多

訟雨暘失時穀水不通歲凶一曰君不恤政事急

民飢有千里之行郗萌曰有反臣中兵起石氏曰

女主用事兵起宮中主荆棘又曰國倉空巫咸曰

有大客遠來○火入張石氏曰大亂兵起若以六

月入之國空巫咸曰火入張君有賜客之事南宮

候曰火入張而守之國有急弓甲聚大人憂將軍

亡○火逆行張郗萌曰地動有火災陳卓曰功臣

憂逆行犯乘張大亂兵起中犯乘張黃帝占曰有

水災穀貴○火與張合其國不可舉事用兵若有

受其殃○火犯張而守之天下兵起宮門閉有急

五穀不成人大飢故曰火居張人絕糧○火出張

中又爲穀貴火流張臣下衣服失度石氏曰熒惑

失次守張當不去而去未當來而來其地大旱其

管子

國舉兵從之得其次者無咎

鎮星守張石氏曰天下大通不用關梁一日天下

和平宮中有喜一日土守張天下道路不通婦人

多死一日多盜賊人民交惡兵喪並起巫咸曰土

守張三日其事微三十日其事大諸侯有謀大臣

伏法死石氏曰五穀不實人多病郗萌曰有反臣

中兵起南官候曰土功興土出張兵起北方東國

失地土入張天文錄曰兵起一日梁宋之間有凶

乙巳占曰天下大亂關梁阻宗室惶惶○土出入

留舍張為陰陽失民流千里石氏曰魚鱉死於道

民憂盜賊郗萌曰甲兵盡出土功大作在秋冬月

一曰處其陽大旱處其陰盜起人疫○土逆行張

石氏曰女主執朝郗萌曰女主飢食不度逆行犯

守之女主荒晏宮中無禮

太白守張石氏曰國易政天下騷動巫咸曰多水

災五穀不成一日其國有兵謀不成天下以空發

甘氏曰兵起不行一日先旱後水人民大飢南官

候曰為反臣中外有兵一日下凌上君弱臣強奸

臣賊子謀弑其君一曰人多病狂○太白乘犯張  
而守之三日以上至七日將軍反巫咸曰賊在君  
側○太白中犯乘張石氏曰兵起滿野有亡國天  
下易政○太白出入留舍張兵起於國○太白提  
張出入臣檀權謀主

辰星守張天下大水有兵人多病死甘氏曰貴臣  
專政天下不寧巫咸曰五穀萬物不成郝萌曰有  
反臣中外兵起又曰夏麥不收大飢民多爭訟一  
曰有更令石氏曰辰星守張若芒角有臣傷其君  
色黑防飲食中有置毒者○火逆行守張人飢且  
病

辰星入張春秋合誠圖曰有賢臣在側可爲卿相  
者○辰星出張中有反臣入張有火災○辰星入  
張守之郝萌曰爲水災火逆理犯上天下謀主一  
曰有鬪訟若多病

客星流星彗孛字干犯占

客星守張天下飢國更令人民散走一曰糴貴○  
客星在張中穀百倍貴天下人流亡石氏曰山林

間有隱士或曰外邑多變海中占曰客星守張滿  
三十日有亡國死王臣謀逆小人謀貴禍及嗣子  
期三年紆萌曰先起兵者利後起兵者不利一曰  
食中有毒一曰來獻食物者天子酒大出一曰天  
子以憂敗弓矢貴國人憂食○客星出張中其色  
黃有自立者天下更令有徙民君使人於諸侯○  
客星出張中色黃君好畋獵色黑君死一曰客星  
出入張兵起國飢○客星入張君有刺客之事一  
曰有使客來以五色占石氏曰有憂男子急巫咸  
曰米貴人徙紆萌曰諸侯有使來賂君荊州占曰  
政急人民苦犯張天子以酒爲憂○客星舍張前  
不去將軍有陰謀兵起人民疾疫  
流星入張諸侯有使者一曰天下更令有徙民天  
文錄曰有犯上者近臣憂○流星出張諸侯有受  
賜者○流星出入張天子有宗廟社稷事一曰有  
赦○流星犯張厨官有事一曰病春夏四季犯之  
五穀不登秋冬犯大水鹽大貴○流星抵張巫咸  
曰厨宰受賜

彗孛出張石氏曰天下大亂王者徙宮天下半亡  
人民惶惶不能聊生甘氏曰其國內外用兵有水  
災乙巳占曰彗出張大旱穀石三千○彗孛犯張  
天下民半死○彗出星張間狀如炊火熒惑之變  
爲兵起火災

雲氣干犯占

蒼白雲氣入張庭中觴客有憂變出之則禍除○  
赤雲氣入張天子用兵賜物之事若出張亦同其  
占白氣入張大客有 ○黃氣潤澤出張天子因  
喜賜客一曰天下五穀大收○黃白氣出張天子  
使使賜於諸侯○赤黃雲氣入張天子用兵○黑  
氣入張徘徊而散其分有水災○赤雲氣如波揚  
入張天子宫中火災○黑氣入張而環繞之成勾  
已如刀劍刺之天子防客

張宿去極度數考

按張宿居巳次楚荊州之分凡十七度七月旦在  
卯八月旦在辰九月旦在巳十月旦在午十一月  
旦在未十二月旦在申正月旦在酉十二月昏在

卯正月昏在辰二月昏在巳三月昏在午四月昏  
在未五月昏在申六月昏在酉

張六星十七度距西第二星去極一百零二度半

主天廟明堂御史位天廟天子祖廟明堂解見前

御史掌邦國都鄙及萬民之治令以贄豕宰又曰

主珍寶宗廟所用及衣服又主飲食賞賚事珍寶

如瑚璉圭瓚琬琰玉几類爲宗廟之用衣服如大

裘冕韋弁服類皆王者吉服賚予也詩云錫予善

人書云大予以四海堯曰周有大賚激清考珍寶卽

如論語註夏曰瑚商曰璉周曰簠簋皆宗廟盛黍

稷之器故中庸云春秋修其祖廟陳其宗器設其

裳衣薦其時食祭畢飲食牲胙不留神惠自然頒

賜大宗小宗同姓異姓羣臣卽其賞賚若曰錫予

善人則宗子宗孫倘有未善未必不無神惠之頒

賜若曰周有大賚是武王克商天造草昧之初散

鹿臺之財發鉅橋之粟大賚貧人不可以再與宗

廟祭祀何相干况宗廟春秋每祭有賞賚是當賜

之神惠不謂之大賚又曰張六星爲朱雀之嚆主



天厨飲食賞賚觴客天官書云張素爲厨素者嗥也爾雅云嗥鳥受食處又曰中四星主輔臣或曰主貢物色言內而諸侯外而四夷各貢土物土物方物也一方所產之物爲貢獻

占曰張上十八尺爲日月五星中道明大則宗廟享天子福失色則宗廟不安子孫希少火守主火災土木守主土功彗孛守主兵喪

天廟十四星距北去極一百一十三度半入柳十二度在張南天子祖宗祭祀祖廟天子有七廟七廟備載禮經不及錄漱清考商紂時天子有九廟九廟不享微子抱祭器奔周周立始祖而以始祖配亦不止七廟

占曰天廟居常吉客星守祖廟不享火守火災彗孛守主兵喪土木守土功興

太尊一黃星去極九十七度半入張七度在張上主貴戚貴戚天子內外宗親按紫微垣有言無星至張宿有言則有星矣若太尊旣爲貴戚原當附紫微垣今分屬張宿

管窺輿要 卷之四十八  
占曰太尊主天道明潤天子重親戚金火守則貴  
戚有憂彗孛守則貴戚后族有謀叛者天子危

張宿雜座

太尊

太尊一星亦名天尊在中台之北貴戚也守常則  
吉細微失色則貴戚有憂芒角動搖則貴戚恣橫  
星亡不見則貴戚有誅死者○客星流星犯太尊  
貴客有憂彗孛犯太尊貴戚賊黃白氣入太尊貴  
戚受賜青黑氣入太尊貴戚有死者赤氣入太尊  
貴戚有以罪受戮者


天廟

天廟十四星在張南天子之祖廟也其星均明則  
吉微暗失常有白衣之會有兵軍食不足又曰天  
廟星色黃潤則吉蒼白有憂青黑則憂在宮中○  
金火入守天廟宗廟有殃○火星犯天廟軍道不  
通有兵馬多死若中犯乘守之有白衣之會諫官  
有憂○彗孛出天廟宗廟改彗孛犯天廟宗廟絕




太

翼



張



### 翼宿論

翼二十二星天之樂府也主俳優又主夷狄負海  
 星明大則禮樂興四夷賓服動則變蠻夷使來離  
 徙則天子主兵月五星客等守犯南蠻災兵起吳  
 越不寧翼南五星東甌蠻夷星也

### 翼宿說

翼二十二星宋志距中央西第二星去極一百四  
 度赤道十八度七十五分黃道二十度九分朱子  
 云鶉无尾故以翼為尾甘氏云主太微三公化道

文籍失色則民流日月食及芒動五星逆入則文籍壞滅移動則三公廢明大則化成禮樂興四夷來賓又主夷狄史記主遠客負海之賓也動則蠻夷使來貢離徙則天子舉兵伐四夷又爲天子之樂府樂乃陽氣之盛故係于巳天子所以大合樂于夏也亦主併優戲樂日食臣僭上月食女主憂五星孛客流犯之並凶火犯木星占旱巫咸曰水見多火石氏曰多旱東甌五星在翼之南蠻夷星也張衡云主東越穿胸穿骨越裳諸夷之國在夫涯聖人謹華夷之辨有以也金火守則夷地有兵芒角移動則夷兵內叛

又說翼宿主天子樂府及夷狄遠客負海之賓度十八度七十五分內十六尺爲黃道初張十五度外木軫十度於內內於辰爲巳於分爲楚於野爲荊州賦翼軫鶉尾楚之與荆自襄房南盡鬱林之夷貊濱彭蠡西抵白帝之夷陵四月爲昏中十一月在軫旦中七月爲太陽躔次

翼宿歌

二十二星大難識上五下五橫著行中心六個恰似張更有六星在河處三三相連張畔附五個黑星翼下遊欲知名字是東甌

翼宿考

東甌五星在翼南主東越穿胸越裳諸國蠻夷之星金火守芒動兵至

翼二十二星十八度距翼中西第一星去極九十九度少在黃道外二十二度半土星也春夏爲金秋冬爲土天之樂府也俳倡也又主夷狄遠客負海之賓一云天都市又八佾樂也近太微宮五帝座故以八駿和樂也明大則聖主得臣樂興四夷賓搖動則蠻夷使來一云天下舉兵離徙則天子舉兵

日食翼中大臣見譖正言者亡不出一年○月食翼中皇后失禮寵衰○木守之王道大興文士進用○火守之王者弱臣下不用五穀不熟○火若久守之人飢米貴兵聚人多死及疾病○土守之王者明哲六合同風三年不去三年大熟○金守

之兵起臣子逆命魚鹽貴○客守之大水災有權  
臣亡兵大起邊方有急將軍逆謀○水守之貴人  
有憂人飢亡國有亂○五星守之國無嗣○彗孛  
行犯有兵若芒角主有降兵

### 翼宿總序

翼二有二星曰化宮一曰天都市一曰天徐一曰  
天旗土星也是爲朱鳥之翼爲天之樂府主和五  
音調六律五樂八佾以御天宮實爲南宮之羽儀  
文物之所豐茂主三公化道文籍及蠻夷遠客負  
海之賓俳優狄鞮戲娛之事其北上十有三尺爲  
日月五星中道其星光明有叙則君明臣賢禮樂  
興天下平四夷服星暗小失次則帝王失禮王道  
衰微動搖則有蠻夷之使來就聚則天下相伐移  
徙則三公廢離徙則民流失色則日月五星亂行  
星亡則化道不行文籍壞明滅大芒動王者用兵  
征伐四方

### 日月變異占

日在翼食大臣相譖正言者亡不出其年黃帝占

曰歲旱石氏曰天子失禮宗廟不親奸臣得志他道不行文籍壞廢○日暈於翼禮樂壞弛人主惡之

月在翼食忠臣誅一曰正言者殃北夷有兵女主亂化道不行文籍廢壞一曰婦人多死一曰后失寵蜚虫多死一曰將軍亡○月暈於翼郝萌曰天旱大風女主惡之黃帝占曰士卒多遁失荊州占曰天下兵起庫兵悉出一曰有軍軍罷巫咸曰士卒大聚有大戰民去宅室車馳馬走貴人多死京房曰軍在外失偏將天文錄曰多風霧郝萌曰月以正月暈則五月有赦○月行宿翼而霧女主惡之

月五星干犯占

月犯翼太常官憂一曰其分兵起有喪郝萌曰有兵大將戰死女主惡之一曰蠻夷兵起蜚虫多死黃帝占曰忠臣見譖言正事者凶

歲星守翼王者大興賢臣進用久守之五穀不成民流亡石氏曰有兵若大水一曰川枯不通一曰



木守翼有賢臣佐主一曰聖人起伐無道荊州占  
曰文術用天下安乙巳占曰歲和穀熟郗萌曰木  
守翼南六畜貴守東魚鹽貴守西不占守北五穀  
有災海中占曰木處翼東瓦器貴處南車貴○木  
逆行翼其君好淫樂決游致患○木出入流舍翼  
荊楚有急多虎豹六十日不下小人失功郗萌曰  
其國亡地六千里○木守翼石氏曰穀以風傷期  
一年犯之則人流亡期在歲中

熒惑守翼天子懦弱臣下不用命五穀不登又守  
之人飢魚鹽貴兵甲大用人兵多死石氏曰大旱  
萬物不成天下修兵一曰先水後旱布縷大貴雨  
暘不時人病頭目陳卓曰多盜賊川谷不通人民  
交惡一曰有大風有急事郗萌曰有反臣南官候  
曰穀貴民飢蛇龍見有亡國一曰佞臣亂政車騎  
大集歲多風雨一曰負海國來寄屬○火入翼荆  
州占口魚海大兵民飢無食車急行民無所息郗  
萌曰天下有急國憂陳卓曰將軍爲亂南官候曰  
魚鹽倍貴一曰國有大災民勞苦石氏曰火入翼

而守之四月楚君死十日相死○火逆行翼不出  
其年兵起天下大擾荊州占曰邪臣專政忠臣不  
進一曰有火災留之二十日以上國有大喪○火  
留翼南宮候曰臣下淫泆○火出入留舍翼郗萌  
曰使者有急事兵用不行用於外地逆行成勾已  
不出九十日兵起國亡○火犯翼兵大起犯而守  
之臣下逆命天下亂亡大飢大疫大兵大戰四海  
洶洶有亡國死王

鎮星守翼君明臣良六合同風天下和平禮樂大  
興守之一歲歲豐十年若失行變已則有土功有  
反臣中兵起多火災萬物不成乙巳占曰土守翼  
后夫人有喜與火乃同其占○土逆行翼女主亂  
朝若逆行守翼有反臣中外兵起

太白守翼石氏曰萬物不成人流亡巫咸曰有反  
臣中外兵起一曰臣子有懷逆者石氏曰太白守  
翼三日以上臣不臣郗萌曰四夷兵起五穀風傷  
民多疾一曰魚鹽貴玉曆曰有急事有大兵齊伯  
占太白入翼天下兵起○太白出入留舍翼大風

管窺輯要 卷之四十九  
起大水郗萌曰君不平○太白舍翼郗萌曰有客舍左旱舍右兵大起○太白去翼一尺海中占曰太白陰也翼陽也陰來附陽秦當朝楚○太白犯翼四夷兵起民疾疫有大風傷五穀若勾已環繞之臣奪主國

辰星守翼魚鹽貴守其南六畜貴守其西金玉貴守其北五穀災一曰貴臣憂失國民流亡石氏曰辰星守翼水入火逆理必有水災或旱災天子大臣俱憂又曰萬物不成鹽鉄大貴牛馬行甘氏曰大水兵起○辰星色白京師兵起色黃事成色黑事不成海中占曰大水災在北方郗萌曰多火災在北方荆州占曰近臣爲亂有亡國民流千里蛇龍出見陳卓曰王者有疾期不出權臣在下歲多大風乙巳占曰大人憂入其度若當位者宜退之○水入翼中兵大起○水犯翼臣作亂陳卓曰其地荒○辰星不出一年而出于翼軫主死○辰星之翼有賢人在其間○水與翼辰見東方夕見西方臣有誅者一曰同出西方大人憂

客星流星彗孛干犯占

客星出翼石氏曰君遣使人于負海之國巫咸曰將軍反兵起大戰同姓諸侯有自立者又曰兵有急天下大水傷五穀人流亡去其鄉期三年○蒼星出翼五穀風調○客星犯翼乙巳占曰國有兵大臣憂遠期百八十日與流星同占○客星入翼負海之國有使來荊州占曰大臣憂○客星出入翼多風雨河水決且道路不通五穀不成人流亡○客星守翼君弱臣強四夷不王郗萌曰將軍反一曰國更紀一曰邊城有大急有戰一曰雨傷五穀有大風名山崩荊州占曰大飢南宮侯曰權臣亡羽毛旗幟貴乙巳占曰大星守翼大水江河決溢道路阻塞魚鱉枯死于道路○流星入翼大臣憂遠期百八十日秋冬流星犯翼國用大兵大臣憂遠期百八十日秋冬犯之土功用○流星入翼負海之國有使貢奇禽者色黃卽至色青道病色黑道死一曰流星入翼有賢士入見一曰貴臣有繫囚者○流星抵翼天下尊諸侯八十日○流星出翼有兵出一曰天子

使使出求賢才乙巳占曰滿國受恩○流星經翼  
聲如雷禁中兵起軍破將死民流亡

彗孛出翼禮樂崩壞國以兵亡乙巳占曰其國以  
水飢人流亡有兵若有喪所指有降者期五年○

彗孛犯翼有兵人主出降期一年一日天下皆謀  
上國有大喪人主亡○彗出翼軫之間國有大喪  
人主死天下謀上有大兵期不出三年

雲氣干犯占

赤雲氣入翼有暴兵入國境○赤氣出翼其國兵  
出隨氣所之○蒼白氣入翼太常之官有災○黃  
氣潤澤入翼諸侯來貢物○黃氣出翼天子使使  
于諸侯○黃白氣入翼外國來貢物一曰白氣黑  
氣入翼正抵其星一夜不去宗廟有災大人憂兵  
大起

翼宿去極度數考

翼爲舞樂伶賢

去極占犯俱詳前說中

東甌五黑星距西南去極一百二十九度入張七  
度在翼南主南越蠻夷張衡曰主東越南越閩廣

屬地東越紹興屬地

占曰東甌明大則東越猖獗金火守東越兵起

翼宿雜座

東甌

東甌五星在翼南主東越及穿胸越裳諸國蠻夷之星也動則蠻夷有變芒角張則蠻夷叛○金火守東甌其地有兵客星入東甌其君以金玉來○彗星犯東甌蠻夷相攻有亡國若出之蠻夷有反

卷之四十九終

管窺輯要卷之五十

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全閱

軫四星冢宰輔弼也主載任有軍出入皆占于軫  
 又主風主死喪軫星明則車駕備星動則車駕用  
 軫兩傍二星曰左右轄主王侯左轄為王者同姓  
 右轄為異姓明大兵起遠軫尤甚轄星主南夷侵  
 中國星無轄國有憂兵大起長沙一星在軫中主  
 壽命明則王者壽子孫昌月五星客彗守犯南蠻  
 吳越災憂有兵喪又主荆楚之分災軫南三十二  
 星曰器府樂器之府也青丘七星在軫南主蠻夷

軫宿論



管子地員篇  
卷之五十一  
之國青丘西四星曰土司空主界域亦曰司徒司空北二星曰軍門主營侯威旗也

軫宿說

軫四星宋志距西北去極一百零三度半赤道十七度三十分自九度二十七分八十三秒入辰黃道十八度七十五分自十度七分九十七秒入辰其上三尺七曜所經也軫所以造車隋志云主載任有軍出入皆占于軫故主車騎明大則車駕備移動則車駕用就聚則兵大起史記五星入軫星中兵大起春秋緯曰太白入軫兵大起火守則西方有不用命之國當發兵伐之郝萌曰太白守軫必有死王鎮星出入留舍六十日不下必有大喪故又主死喪水星火守之徐泗有戮之者石氏曰辰星守軫歲水五星犯失位亡國女子主政人民失業賊黨掠人禍生于百日之內若明大則天下昌萬民康四海歸王太白守之天下學校散文儒失業張衡云軫爲冢宰輔臣也一曰鳥帑左傳襄公二十八年歲在星紀而淫于玄枵禪竈曰歲棄



其次而旅于明年之次以害烏帑周楚惡之主歲星所在其國有福失次于北禍衝在南故周王楚子受其咎軫與巽同位爲風車動行疾似之也故月與水星躔軫主風起左轄爲王者同姓右轄爲王者異姓兩轄輔軫傍主王侯占以不明爲吉明則兵起又曰車無轄國有憂張衡云轄不見國有大憂轄遠軫國大喪兩轄舉南蠻叛外兵侵蓋軫主夷狄遠客也五星入軫伺其出日而數之期三日皆爲兵喪司始入處之卒一日期十日軍罷

長沙一星在軫中不附軫自爲一座則以屬吏自爲官故也一名長沙子主三軍壽命明則壽長而子孫多或曰長沙不欲盛明若明與軫同則兵起軍門二星色黃在青丘之西天子六軍之門主營侯豹尾威旗其占者若移易其處則道路不通土司空四黃星在軍門南主土功蓋工有大小不同室星下之土司空主工師匠氏土木大役若軫之土司空但梓人與人之事而已司空掌邦工翼軫器府皆其所掌故土司空係焉百工之事當及

溫和之候故月令季春而百工咸理孟冬而效工  
此翼軫所以麗於冥也占明吉暗凶巫咸曰金火  
犯之天下男不得耕女不得織隋志云一曰司徒  
主界域更詳之

青丘七黑星在軫東南主閩蠻三韓等國與東甌  
同占

器府三十二星在土司空南主樂器之府明則樂  
音調理暗則淫聲進雅樂不和甘氏曰主將軍樂  
府歌歡之事百工居肆以成其事故列于土司空  
掌之

又說軫宿主車騎風雨度十七度三十分內十三  
尺爲黃道餘見翼宿下

### 軫宿歌

四星恰與翼相迤中間一個長沙子左轄右轄附  
兩星軍門兩黃近翼是門西四個土司空門東七  
烏青丘子青丘之下名器府器府之星三十二以  
上便是太微宮黃道向上看取是

### 軫宿考

長沙子一星在軫中○二轄附於軫傍左轄爲同  
姓右轄爲異姓○軍門二星在青丘西天子六軍  
之門主營侯○土司空四星在軍門南主土功主  
九土地界正疆界辨風土均貢賦來遠人○青丘  
七星在軫東南主東方三韓之國○器府三十二  
星在軫南樂器之府也主音律

軫四星一名天車主任載征伐之事一名喪車主  
死喪又主冢宰輔臣亦曰烏帑烏尾又主風又主  
將軍樂府歌歡之事五星犯失位亡國女子主政  
人民失業賊黨掠人明大吉又取軫義爲車騎明  
則車騎備離徙天子憂就聚兵起○右轄一小星  
在軫西南左轄一小星在軫東北遠軫凶移動兵  
起○長沙一小星在軫之中主壽命明大王者有  
壽○軍門二星在軫宿之西右轄之上天子六軍  
之門也主營侯明正吉移徙則軍道不通○土司  
空四星在右轄之南主土功正疆理辨風土均職  
貢來遠人均明吉金火守犯天下田不得耕○青  
丘七星在軫之東南主東方三韓之國南夷蠻貊

之邦不宜明大○器府三十二星在軫南樂器之舍也主音樂律呂經曰器府總于琴笙是也明正則律呂不亂暗則僭亂

軫四星長沙一星轄二星十七度距軫西北星去極九十九度在黃道外十五度水星也春夏爲金秋冬爲水主冢宰輔臣也主車騎載任有軍出皆占於軫又主風主死喪軫星明車騎備動則車騎用○轄星輔軫兩傍星明兵大起遠轄則凶轄舉蠻夷侵○長沙一星在軫內主壽命明則主壽長子孫昌又曰軫無轄國有憂軫就聚兵大起○日

食軫中貴臣亡國○月食軫中皇后不安期一百八十日○木守之國君不安及兵喪火守之有兵將軍憂土守之內寵亂皇后惡之金守軫兵起米貴水守軫水災五穀傷○客守軫兵起荒旱人流亡大飢○五星入軫中天下兵大凶○彗孛行犯守軫天下兵起王侯廢死爲喪車象○日犯軫兵東出不過三年○客赤色守軫軍大出人亡○月暈軫三重戎狄滿野軍死停兵旣無繫馬也

以上南方七宿之星按離南方爲飛鳥象朱雀也史言流火爲鳥又爲日中之鳥午爲鶉火之次未爲鶉首巳爲鶉尾其厯在柳其翼在翼柳午也離也翼巳也巽也卜楚丘論明夷之謙曰當鳥卽朱雀也歸藏初巽曰有鳥將來而垂其翼翼爲鶉尾故稱飛鳥鶉雉之屬必附草嶺南孔雀之類也七星爲馬於辰爲午故馬爲火畜午爲火蚕爲馬首龍星之精故馬蚕同氣蟹鰲龜卵皆有黃離也七宿中有鬼輿天目七星主文綉皆應南方離明之象

### 軫宿總序

軫四星曰天車主車騎任載盜賊戰伐之事亦爲喪車輓輶之象主死喪四星爲天輔冢宰之官主察殃咎知凶災水星也主風其右星北上十三尺爲日月五星中道軫東一小星曰左轄西一小星曰右轄左轄主同姓諸侯右轄主異姓諸侯一曰北星曰轄南星曰膏皆去軫五尺一曰轄其去軫七寸曰膏去軫一尺爲常軫中一小星曰長沙爲

棺木主壽命又因國亡主軫星明大則法駕備車  
馬用移徙則天子憂就聚則兵起動搖則車騎動  
軫星欲其近軫近則上下和睦遠則君臣相疑七  
寸以上爲遠軫欲小而明不欲大而明小而明則  
國祚安大而明與四星等則兵大起暗小則諸侯  
有憂星亡則天下傾軫進退則車騎發復其所則  
車騎發有兵則外而轄遠軫兵亦罷轄舉則南夷  
同侵動搖則兵車動長沙小而明則主壽昌微暗  
則主有憂明大與四星等則臣下謀逆兵起乃星  
亡不見則人主惡之

日月變異占

日在軫食貴臣亡后妃不安巫咸曰天子憂不則  
諸侯戮海中占曰諸侯將相有殃甘氏曰戒在主  
車駕之臣一曰國有喪○日暈于軫王者惡之一  
曰內兵大起太子憂

月在軫食貴臣死后不安一曰其國有不從令者  
郗萌曰車騎發又曰主車駕之臣必有黜者○月  
暈軫宿黃帝占曰大將戰死一曰兵起歲旱大風

傷物邾萌曰先起兵者不能勝武密占曰大臣黜  
一曰諸侯盜兵夷狄入境○月暈圍軫三重戎狄  
滿野庫無留兵廐無繫馬○月暈軫及角大赦或  
飢○月以二月暈軫及角五月大赦月以正月暈  
軫邾萌曰大飢公子死車馬貴月以四月暈軫天  
子有德令月以十二月暈軫內兵盡出有兵在外  
則罷○月宿軫爲風起

月五星干犯占

月犯軫兵車用邾萌曰其國有憂有大喪乙巳占  
曰車騎出期一年○月入軫中大風爲敗

歲星守軫國有疾及喪甘氏曰國君有疾天子修  
宗廟海中占曰主車者有罪邾萌曰有土功萬物  
不成人飢一曰舟楫不通一曰木守軫處其南六  
畜貴處其北穀貴處其西水災有女喪處其東糴  
貴石氏曰木守軫吉久守之則有大喪邾萌曰木  
守七日不移則有赦○木守軫中天下多死喪兵  
大起荊州占曰其分將死○木守軫巫咸曰民多  
病憂火災天文錄曰人主惡之宜修宗廟發赦令

以解之海中占曰天子不恤孤老大臣背叛師旅  
大起海中占曰主車者有罪○木在軫王者憂疾  
病國有喪不出九十日居其東米貴居其西有水  
居其北多疾病居其南車貴○木逆行軫多火災  
郝萌曰木逆行軫人君服喪不謹貴戚坐之若逆  
行至軫而守之國有喪君憂守之七日不移有弒  
逆之事逆行入軫中若守之兵大起有大水大旱  
人疾疫天下更主期三年

熒惑守軫兵起將軍憂天子代位石氏曰有兵天  
子車駕凶若有病大臣戮死郝萌曰有反臣中外  
兵起荊州占曰有戰夫子軍死巫咸曰旱川枯不  
通萬物不成一曰有火災守軫居南人多病居其  
北人多死○火以十月守軫三十日以上兵大起  
車騎悉發若入居軫中天下人盡供軍事害居家  
者若芒角赤怒天下大囚○火入軫兵大起石氏  
曰楚之君死甘氏曰有負客至郝萌曰大水車貴  
陳卓曰國有大喪將軍死南官候曰水旱并作天  
下動擾妖言無實國政數改士卒役勞將有凶天



文錄曰將軍爲亂一日邊兵起○火出軫南民多  
病出其北人多死邠萌曰火出軫陰兵起出其陽  
乍南乍西遠去之其國小憂去之而復還國有大  
喪期一年遠三年○火行軫左負海國有殃行軫  
右其中國有憂○火逆行軫多火災○火逆行入  
軫名曰經天國敗人亡哭聲滿野其分尤甚○火  
自兩角逆行至軫天下道絕不通行出其南人多  
病死出其北人多死出其陰陰國勝出其陽陽國  
勝○火在軫不可爲人客者有殃罰當死○火犯  
軫大臣戮死○火犯守軫環繞之天下兵起王者  
惡之一曰大臣欲謀君大人憂不出其年若入軫  
中有亡國

鎮星守軫甘氏曰土功興有白衣之會國亡地不  
出其年石氏曰兵大起久守之五穀傷荊州占曰  
后憂○土入軫中守之兵大起國憂川水竭黍稼  
死人飢流亡期二年一曰土入軫中有兵起者自  
敗○土逆行軫石氏曰女主持喪不謹其貴親坐  
之○土起角逆行至軫其下國戰不勝○土出入

舍軫大旱五穀傷六十日不下江河皆決不出三年又曰大喪○土出軫而留舍之大旱夫飢夫兵○土中犯乘軫國多死喪有土功兵起人主惡之太白守軫黃帝占曰將軍爲亂車騎大發甘氏曰將軍憂海中占曰四夷兵大起南宮侯曰亡地千里有大喪臣有謀伐上者郗萌曰有死王吳楚有憂○金犯軫將軍爲亂臣謀君貴人死于兵去之一尺天下大飢期不出百八十日一日兵起四方○金入軫兵大起國易政士卒遠征將軍受封乙巳占曰有自來侯王受命于王者○太白出入留舍軫秦兵入楚楚國亡地有死君○太白逆行軫其國亡地逆行入之亦曰兵起積尸如山辰星守軫水傷五穀黃帝占曰天下大疫人多死國有喪石氏曰物不成一日有反臣中外兵起一日車騎用執法臣玉曆曰天下人多疫死北方尤甚○水入軫中而犯守之兵大戰破軍殺將天下驚駭守之二十日以上赤芒角數十萬人戰有流血積骨其餘殃不盡大水大飢山崩河決期三年

客星流星彗孛干犯占

客星出軫輕車出石氏曰天子使人以車賜諸侯  
一曰白衣自立大國有喪兵起有亡君期不出一  
年遠三年○赤星出軫國兵亂入軫輕車入石氏  
曰諸侯有使來以車爲幣者郝萌曰土功興五穀  
大貴或曰無息處車留馬客星守軫天下人災兵  
起車馬有急行一曰車馬貴石氏曰川谷不通甘  
氏曰國有自立者一曰小國自立大國多害一曰  
天下有名山崩大川溢出地有土功繼大貴邊地  
有兵軍吏憂色赤黃有外憂蒼黑內有讒臣○客  
星犯軫車馬貴海中占曰有兵喪一曰邊兵起○  
客星入軫犯長沙天下無處士有逃亡出之則兵  
散  
流星犯軫有大喪兵起庫藏空春夏犯之皮革貴  
秋冬犯之水旱不調○流星出軫內使出入軫外  
使入以五色占之流星入軫兵起赤黑大臣憂色  
白相死近期半年遠一年流星入長沙天下有兵  
逃亡無地

彗孛出軫天子崩兵滿空關一日大臣犯上天下  
兵起三公有與主共死者一日天下有走士巫咸  
曰民無定期近三年中五年遠九年○彗孛犯軫  
天下兵起有喪近期百二十日遠一年又人主以  
無禮失國

雲氣干犯占

蒼白氣入軫王者不可幸宮觀出之其禍出○蒼  
白雲氣圍軫亡國之戒○黃白雲氣潤澤入軫諸  
侯入貢以車爲幣出軫天子車賜諸侯○赤氣入  
軫兵起中國○赤雲氣如波揚入軫車庫火災兵  
起且有喪○赤雲氣出軫將出兵行白雲氣入  
軫有大喪黑氣入軫大人憂○黑雲氣如鼠入軫  
中天子有墜車墜馬落牀之厄○黑雲氣四散入  
軫若迴繞之天下大水車不用

軫宿去極度數考

按軫宿本位居辰次鄭兗州之分凡十七度八月  
旦在卯九月旦在辰十月旦在巳十一月旦在午  
十二月旦在未正月旦在申二月旦在酉正月昏

管窺輶馬 卷之五十一  
在卯二月昏在辰三月昏在巳四月昏在午五月  
昏在未六月昏在申七月昏在酉

軫四星十七度距西北去極一百零三度半入軫  
初度主將軍樂府歌樂又曰軫爲冢宰輔臣主車  
騎又主風雨宋均曰軫與翼同位故主風又曰車  
動行疾如風正義云軫四星長沙一星轄二星爲  
朱鳥尾以形象言也漢志云軫好風亦好雨變則  
雨

占曰軫星明大天子昌四海平金火守主兵起彗  
孛守主兵喪

長沙一星去極一百零一度半入軫五度在軫中  
主輔相主壽命激清考史漢二書軫爲喪車長沙  
居喪車之中決非如南極老人司人長壽者長沙  
在軫正中正是趣人短壽者謂之曰沙古今人常  
用沙和土殉葬取其堅硬長遠謂之長沙是長沙  
乃殉葬之具的非司人長壽者若司長壽決不居  
喪主壽命以延期此星似註差矣諺云命染黃沙  
卽此沙也

占曰長沙居常則吉一變色則有喪

左右二轄星左轄去極一百零三度入翼二度右轄去極一百一十度半入翼十度附軫兩傍爲座車主王侯右轄爲王者同姓親左轄爲王者異姓親激清考右轄何以屬同姓左轄右何以屬異姓細思古人尚右故右先儘同姓親次及左爲異姓親不然終似難辨別

占曰左右轄居常吉左不見則異姓凶右不見則同姓凶彗字犯左左喪犯右右喪

軍門二黃星距西南去極一百一十二度半入翼一十三度在青丘西天子六軍之門百官志云六軍左右龍武左右神武左右神策唐置六軍左右羽林左右龍武左右神武萬二千五百人爲一軍六軍七萬五千人

占曰軍門主營侯豹尾威旗移徙爲道路軍營不通金火守兵起

土司空四黃星距南去極一百二十度入翼十四度在軍門南主土功一曰司徒主界域人民事言

管窺輯要 卷之五十一  
封界邦域內外人民

占曰土司空主界域金火守則男不得耕女不得織兵飢大起土木守則徭役煩興彗孛守則國亡氏流

青丘七黑星距西北去極一百二十四度半入軫五度在軫東南方三韓之國又主南方蠻夷之國言閩廣交趾地 占同東甌

器府三十二黑星距西北去極一百三十七度入翼一十度在軫南主樂器卽今太常寺是漱清考器府主樂器乃上古五音六律皆有器如鈃鈞箎鐘鼓管籥笙簫琴瑟之器不止三十二樂從古名咸英韶濩自季札聽各國之樂樂名亦不止三十二惟韶樂武樂爲盡善盡美

占曰器府如常則天下和平禮樂興失常則天子好淫樂棄雅樂彗孛犯則伶官樂人有借樂音以謀上者

軫宿雜座

左轄右轄

左右轄解見前月入轄星將相庶子死客星守轄  
星主車吏憂五星客彗守犯轄星南蠻吳越荆楚  
之分主憂兵喪

### 長沙

長沙一星在軫中微暗細小乍見乍不見王侯有  
喜○客星流星入長沙天下動搖

### 軍門

軍門二星在青丘西天子六軍之門也主營侯其  
星移徙則君道不通○客星守軍門軍道不通

### 土司空

土司空四星在軍門南主土功九成地界主疆里  
辨風土均職貢來遠人其星均明則天下大同暗  
小則德政不修遠人離叛○金火犯守土司空男  
女不得耕織天下大飢兵大起客星犯守土司空  
兵大起土功大興人民失業百姓愁怨國有大咎

### 青丘

青丘七星在軫東南主東方三韓之國南夷蠻貊  
之星也其星明大則四夷有兵動搖芒角則蠻夷



叛○流星入青丘蠻夷來歸中國

### 器府

器府三十二星在軫南樂器之舍也主音樂律呂其星明則樂和微暗不具則樂廢○彗孛犯器府樂官誅黜○赤氣掩入器府天下樂廢

### 南方七宿雜座

四瀆江河淮濟水位主水奚疑積水供酒食之正積薪給烹飪之爲南北二河所以分諸夏而定蠻貊闕丘兩觀所以布象魏而別尊卑燿星烽火也四時變火天罇醴粥也以給貧賤五諸侯決疑斷獄弧與矢備盜陰謀軍主天軍之貨易野鷄知變怪以虞伏天狗守禦之良畜天狼侵掠之凶徒天社土地之主老人壽考之符三台星列抵太微爲三公宣符開德主烹宰者名外厨爲農正者號天稷天記知禽獸之齒歲酒旗主享宴之酒食天相宰相也朝服之制天廟祖廟也祭祀之儀軒轅爲權后妃雷電長垣城邑也無界不防少微師保也無微不諫內平平罪之官太尊貴戚之官東甌爲

南越蠻夷之區軍門乃夫子軍門之辨明堂玉堂也布政垂裳靈臺觀臺也仰觀候變土司空九土之界域亦人民風土之所宜器府主八音之樂伎長沙主壽命以延期青丘爲南方之國進賢舉賢逸卿相之爲

管窺輯要卷之五十終

管窺輯要卷之五十一

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成


呵先鳴

桐城方兆及子詒全閱

雲氣犯角宿星



雲氣犯庫樓星




晉書曰角宿二星為天關左門為理主刑右角為將主兵有蒼白氣入左角兵敗出右角戰有憂○宋志曰雲氣黃白入右角得地赤入左有兵入右戰勝黑白氣入于右兵將敗天文錄曰庫樓十星六大星庫也南四星樓也在角宿南天庫兵車之府也有紫氣千尋天子自將兵○宋志曰赤雲氣入內外不安天庫生角有兵

雲氣犯亢宿星

雲氣犯折威星

雲氣犯攝提星

雲氣犯大角星



晉書曰亢宿四星為天子內朝有雲氣入王民饑疾○宋志曰雲氣犯之色蒼民疫白為土工黑水赤兵一云白民瘡疾黃土工


天文錄曰招搖一星在梗河北主北兵蒼白氣入相死赤則兵亂黃則兵罷白氣入大人憂 宋志同

天文錄曰折威七星在亢南主斬殺斷獄黃白氣入有和親天子喜蒼白氣入大臣為亂黑則天子惡之○宋志曰雲氣犯蒼白兵亂赤臣叛主黃白為和親出則有赦黑氣入人主惡之


天文錄曰攝提六星左右各三在斗杓南其星爲  
 盾擁夾帝座黃氣入公卿受賜青則九卿憂赤則  
 卿憂色黃喜黑大臣戮

天文錄曰大角一星在攝提間天王座也青氣入  
 千尋如槍沖過者殿梁折青氣揜之君憂白揜有  
 喪黃氣出君有喜○宋志曰雲氣青主憂白爲喪  
 黃氣出有喜


雲氣犯氐宿星



雲氣犯騎官星



雲氣犯梗河星



雲氣犯心宿星



晉書曰氏宿四星為后妃前二星嫡也後二星妾也蒼白雲入疾疫流星黑氣入大水○宋志曰雲氣入黃為土工黑主水赤為兵蒼白為疾疫白后宮憂


天文錄曰騎官二十七星在氏南天子宿衛之士蒼白氣入騎死

天文錄曰梗河三星在帝座北主矛鋒備不虞一曰天鋒赤氣入有大戰蒼白氣入將死 宋志同

晉書曰心宿三星為天王正位青氣入天子使諸侯○宋志曰雲氣入色黃子孫喜白亂臣在側黑

太子有罪

雲氣犯房宿星



雲氣犯積卒星

雲氣犯魚星


晉書曰房宿四星為明堂布政之宮亦四輔也黃雲如人入者后妃有娠赤氣入兵起○宋志曰雲氣入赤黃吉如人形后有子色赤後宮亂蒼白氣出將相憂

天文錄曰積卒十二星在房西南為五營軍士之象主掃除青赤氣入大臣持政欲論兵事 宋志同

天文錄曰魚一星在尾後河中主理陰陽知雨雲之期赤氣入兵起將憂氣出兵罷黃則天子用事氣出兵起 宋志同

雲氣犯尾星

雲氣犯  
天江星



晉書曰尾九星後宮之場妃后之府亦為九子第

三星旁一星名曰神宮解衣之內室也蒼白氣入

君有故臣來氣出臣有亂○宋志曰雲氣入色青

外國來降出則臣有亂赤氣入有使來言兵黑氣

入有諸侯客來

天文錄曰天江四星在尾宿北主太陰青氣入車

騎出黑氣入多雨水黃氣入兵罷黃氣出則兵出

○宋志曰赤雲氣犯車騎出青為多水黃白天子

用事兵起入則兵罷



天文錄曰傳說一星在尾後河中後宮女巫巫也主  
 興長子孫祝祠神靈赤氣入女人憂○宋志曰赤  
 雲氣入巫祝官有誅者


天文錄曰龜五星在尾南主贊神明定吉凶赤氣  
 入卜祝官憂 宋志同

雲氣犯箕星

雲氣犯斗宿星

雲氣犯牛宿星

次二星主鬪梁



北二星為天府廷為杓  
 名北亭  
 主九江  
 主豫章  
 主丹陽

南二星為天梁為魁  
 主會稽  
 主吳

名即路  
 名即道  
 主聚火  
 次二星主南越


雲氣犯九坎星

晉書曰箕宿四星亦后妃之府一曰天津一曰天  
雞主入風蒼白氣入四夷內侵黃則四夷來賓○  
宋志曰雲氣出色蒼白國災除入則蠻夷來見出  
而色黃有使者出箕口斂爲雨開爲多風少雨  
晉書曰北方南斗六星天廟也丞相太宰之位一  
曰天機主爵祿又主兵蒼白雲入多風赤則兵起  
○宋志曰雲氣入蒼白多風赤旱出則有兵起宮  
廟火入有雨赤氣兵黑主病

晉書曰牛宿六星爲明梁主犧牲蒼白雲入多疾  
疫赤則有兵攻城○宋志曰雲氣蒼白橫貫有兵  
喪赤亦爲兵黃白氣入牛蕃息黑則牛死  
天文錄曰九坎九星在牽牛南主溝渠導泉疏瀉  
青氣入天下旱黑則百川溢

雲氣犯河鼓星

雲氣犯織女星



雲氣犯  
散白星

雲氣犯須女星

雲氣犯  
散白星

天文錄曰河鼓三星在牽牛西北天鼓也主天子  
 軍鼓黃白氣入天子喜赤入兵起出則戰勝黑則  
 將死青入將憂出則禍除 宋志同

天文錄曰織女三星在天市垣東天女也主瓜果  
 絲帛珍寶蒼白氣入女子有疾黑則有憂赤女子  
 多死于兵黃則女有進者 宋志同

晉書曰須女四星天之少府賤妾之稱婦職之卑  
 者也赤氣入婦女多以兵死白則婦多疾疫○宋  
 志曰雲氣入黃白有嫁女事白為女多病黑為女

多死赤則婦人多兵死者

天文錄曰瓠瓜五星在離珠北主天子果園蒼白

氣入果多不實赤則果多實黃則天子以果賜諸

侯黑則天子食果而致疾○宋志曰青為天子攻

城邑餘占同


天文錄曰敗白四星在虛危南兩兩相對主散災

害黑氣入主憂宋志同

雲氣犯天津星

雲氣犯虛宿星

雲氣犯天壘星



天文錄曰天津九星在虛宿北橫河中一曰天漢  
 一曰天江主四瀆津梁黃白氣入天子有德令蒼  
 白主大水○宋志曰赤雲氣入為旱黃白天子有  
 德令黑為大水色蒼為水為憂出則禍除

晉書曰虛宿二星冢宰之官也主祭祀哭泣黃氣  
 入天子喜起廟祠赤氣入有土工○宋志曰雲氣  
 黃入為喜蒼為哭赤火黑水白有幣客來


天文錄曰天壘城十三星在泣南園如大錢形若  
 貫索主鬼方北夷之事赤黃揜之北夷滅有疾疫

宋志同

雲氣犯危宿星



雲氣犯羽林軍



雲氣犯土司空




晉書曰危宿三星在天津東南主天府天市營造受藏之事蒼白氣入風雨損屋○宋志曰雲氣入蒼白爲土工青爲國憂黑爲水爲喪赤爲火白爲憂爲兵黃出入爲喜

天文錄曰土司空一星在奎南一曰天倉掌水土事黃氣入土工興主移京邑

宋志同

天文錄曰羽林軍四十五星三三而聚散出壘壁之南主天兵翊衛蒼白氣入後宮憂黃則後宮喜或受太子所獻黑氣入諸侯惡之○宋志曰雲氣蒼白入南后有憂入北諸侯憂黑太子諸侯忌之出則禍除黃白吉

雲氣犯營室星



雲氣犯北落師門星



雲氣犯酒旗星



晉書曰營室二星天子之宮也又為軍糧之府黃

氣入光潤如日月天子有男子之祥白氣入有喪

赤則兵起○宋志曰雲氣入黃為土工蒼白大人

惡之赤為兵民疫黑則大人憂

天文錄曰北落師門一星在羽林西南主北方藩

落蒼白氣憂疾病黑氣入主憂黃白氣入天子喜

○宋志曰雲氣入蒼白為疾疫赤為兵黃白喜黑

入邊將死

天文錄曰酒旗三星在軒轅右角主宴會赤氣入





晉書曰東壁二星主文章天下圖書之祕府赤氣如日月潤澤入男子之祥白氣入大人憂○宋志曰赤雲氣入之為兵黑入其下國破黃則外國貢獻一曰天下有烈士立


晉書曰奎宿十六星為天武庫一曰天豕一曰封豕主以兵禁暴蒼白氣入天子宮中有喜黑氣入有憂蒼赤氣入有受命來降者○宋志曰赤雲氣入犯為兵黃為天子喜黑則大人有憂

雲氣犯閣道星

雲氣犯王良星

雲氣犯附路星

雲氣犯婁宿星



天文錄曰閣道六星在王良前五主輦閣之道黃氣入天子喜白氣入有急事黑氣入主有疾

宋志同

天文錄曰王良五星在奎北居河中乃天子主車御之官也青氣入奉御官憂墜車赤氣入奉御官有鈇鉞之憂黃氣入奉御受賜

宋志同


天文錄曰附路一星在閣道南主便閣道徑也蒼白黑氣入太僕死赤入太僕受誅黃白入太僕受

賜


宋志同

晉書曰婁宿三星主苑牧犧牲供給郊祀黃氣入貴人受賜白氣入人民受賞赤氣入主兵○宋志曰青赤雲氣入爲兵喪黑爲大水


雲氣犯天倉星




雲氣犯胃宿星



雲氣犯大陵星



雲氣犯天船星



天文錄曰天倉六星在婁宿南主五穀所藏待國  
 之用黃白氣入歲大熟蒼白氣入歲饑赤為兵旱  
 倉庫有火災


天文錄曰胃宿三星為天子厨藏主倉廩蒼白氣  
 出入有喪糴粟事黑為倉敗穀腐○宋志曰青黑  
 為兵黃白倉實

天文錄曰大陵八星在胃北一曰積京主丘陵墓  
 墳死喪蒼白氣入有大兵喪赤氣入多戰死宋志同

天文錄曰天船九星在大陵北一曰舟星主通濟

利涉青氣入天子不可乘御黃白天子有喜○宋志曰赤爲兵船用


雲氣犯昂宿星



雲氣犯芻藁星



雲氣犯天廩星



雲氣犯積尸星




晉書曰昴宿七星天之耳也又爲旄頭胡星有蒼赤氣入民多疾疫妖言起胡兵入○宋志曰蒼赤雲氣犯之民疫黑則北主憂青爲水爲兵青白人多喪黃則有喜

天文錄曰天廩四星在昴宿南一曰天廩主積黍稷以享祀青赤氣入蝗蟲大旱黃氣入歲多黍粟赤氣多水宋志同


天文錄曰芻藁六星在天苑西主積藁之事一曰天積赤氣入有大憂天子因火散財黃氣天子財寶出○宋志曰赤雲氣犯之爲火黃爲吉

天文錄曰積尸一星在天陸中主死喪蒼白氣入人多死黑多疾疫

雲氣犯天苑星



雲氣犯畢宿星



雲氣犯天囷星



雲氣犯積水星



天文錄曰天苑十六星在昴畢南如園狀天子養禽獸之所蒼白氣入獸多病黃白氣入牛馬蕃黑則多死 宋志同

天文錄曰天囷十三星如乙形在胃南主給御廩粢盛青白氣入歲饑人流亡 宋志同


晉書曰畢宿八星主邊兵弋獵白氣入畢口其歲必生大人赤氣入必有兵起旱火災蒼白氣入歲多收○宋志曰蒼白雲入歲不收赤為兵為旱為火黃白天

天文錄曰積水一星在天船中候水災蒼白氣入  
 有水井度亦有積水一星主供給酒食占與此同


雲氣犯  
五車星



雲氣犯天高星



雲氣犯  
天潢星




雲氣犯  
天關星



大將軍

雲氣犯  
大將軍

十吏士



天文錄曰五車五星在畢宿北天子之兵車舍也  
蒼白氣入民不安多流亡赤氣入兵起 宋志同

天文錄曰天高四星在坐旗西主望八方雲氣今  
觀星臺之象蒼白氣入早霜害禾稼 宋志同

天文錄曰天潢五星在五車中主河梁津渡黃氣  
入天子喜安和兵罷蒼白氣入有喪赤氣入兵起  
庫有火○宋志曰蒼白或黑雲氣入爲喪赤爲兵  
白則天子有喜

天文錄曰天關一星在五車南亦曰天門主邊防  
天文錄曰咸池三星在天潢南主陂澤池沼黃氣  
入有喜事黑入大水蒼白入魚多死赤入主旱白  
爲神魚見 宋志同

天文錄曰參旗九星一曰天旗一曰天弓主弓弩  
之事赤氣入西夷來侵○宋志曰雲氣犯之色青  
入自西北兵來期三年

天文錄曰天園十三星在天苑南主蔬菜之所有  
白氣入兵起 宋志同

晉書曰觜觿三星爲三軍之候黃氣入兵起黑氣



入大人憂○宋志曰雲氣犯之赤為兵蒼白為兵  
憂黑趙地大人有憂色黃有神寶主入

人自西來... 宋志曰雲氣犯之赤為兵蒼白為兵

人自西來... 宋志曰雲氣犯之赤為兵蒼白為兵

人自西來... 宋志曰雲氣犯之赤為兵蒼白為兵


道路黃氣入四方來貢 宋志同

晉書曰大將軍十一星在婁北主武兵蒼白氣入  
軍多疾赤有兵出 宋志同

雲氣犯咸池星



雲氣犯天園星




雲氣犯參旗星




雲氣犯  
肯宿星




雲氣犯  
玉井星



雲氣犯  
東井星



雲氣犯  
參宿星



雲氣犯  
積薪星




左肩 左將 三將 左足後 將軍 伐天都尉 士解軍 右足備 將軍 右肩 右將


天文錄曰玉井四星在參左足下主水泉以給庖  
厨青氣入井水不可食 宋志同

晉書參宿十星內七大星應七將主斬刈有蒼白  
雲入憂災赤氣入兵起○宋志曰青雲氣入天子  
起邊城蒼白爲臣亂赤爲內兵黃色入澤大將受  
賜黑爲水災大臣憂白雲氣出貫之將死天子疾  
天文錄曰積薪一星在積水東北厨赤氣入憂火  
晉書曰東井八星主水衡法令黃白氣入有水澤  
事興赤氣入有大水成疾病○宋志曰蒼黑雲氣  
入民有疾疫黃白潤澤有客來言水澤事黑入爲  
大水常以正月朔日入時候之井宿上有雲歲多  
水潦

雲氣犯天廁星



雲氣犯弧矢星



雲氣犯老人星



雲氣犯北河星



天文錄曰天廁四星在屏星東主溷隱腰下疾青

赤氣入兵起黑入大人憂黃入天子有喜 宋志同

天文錄曰弧矢九星在狼星東南天弓也主行陰

謀以備盜赤氣入民驚一曰胡兵入中國黑氣入

胡人多病死 宋志同

天文錄曰老人一星在弧矢南極名南極主壽考

白氣揜之老人憂○宋志曰白雲氣入之國當絕

雲氣犯南河星



雲氣犯狼星



雲氣犯水位星



雲氣犯輿鬼星



天文錄曰南河三星主火青氣入河道不通赤入  
 天子用兵黃入有德令黑入水傷人○宋志曰蒼  
 白雲氣入河道不通出而色赤天子兵向諸侯黃  
 氣入之有德令出為災

天文錄曰水位四星在積薪東主水衝瀉溢赤氣  
 入大人憂歲旱荒 宋志同

天文錄曰狼一星在東井東南為野將主侵掠赤  
 氣入有兵革胡人侵掠民驚 宋志同

晉書曰輿鬼五星主視明察奸白氣入有疾病黑

氣入大人憂○宋志曰白雲氣入有疾疫黑后有  
 疾憂赤為旱黃為土工入犯積尸貴人有憂青為  
 病

大人入憂黃旱○宋志曰

天文志曰木對四星亦積薄東至木滿熱滋亦泉

入人之休辭今出為災

曰雲氣大西發不出而色赤天子兵出端刻黃


天子用兵黃人亦辭今黑入木對人○宋志曰

人入將曰南四星至水青人

雲氣犯柳宿星



雲氣犯七星




雲氣犯燿星



晉書曰柳宿八星天之厨宰也主尚食和滋味赤雲入火災黃入有赦黃白為天子有喜起宮室宋志同

天文錄曰燿四星在鬼宿西北主烽火備警急赤氣入天下烽動宋志同

晉書曰七星七星一名天都主衣裳文綉蒼白氣入人人憂赤雲入四曲五曲不止者臣亡○宋志曰蒼白雲氣入貴人憂出則天子用急使赤入為兵黑為賢士死黃則遠人來貢白為天子遣使賜諸侯帛



天文錄曰北河三星主水蒼白氣入邊境有兵疾

疫又主胡王死 宋志同


天文錄曰南河三星主火青氣入河道不通赤入

天子用兵黃入有德令黑入水傷人

天文錄曰水位四星在積薪東主水衡瀉溢赤氣

入大人憂歲旱荒 宋志同





卷之五十一終

